



KLEINMOND

STRAATWAG / STREET WATCH

kleinmondsw@gmail.com

Voorstelle rakende die toekoms van KSW

Die KSW-Bestuurskomitee het oor die toekoms van KSW, na die implementering van die misdadaanslagstrategie wat deel vorm van die doelwitte van die Kleinmond Spesiale Aanslaggebied, besin. Aangesien hierdie doelwitte ooreenstem met die doelwitte van KSW en aangesien die oorgang in die beste belang van die gemeenskap moet geskied, lê die Bestuurskomitee die volgende aan die Algemene Jaarvergadering voor:

1. Implementering van KSAG

Dit word in die vooruitsig gestel dat KSAG vanaf September 2021 fondse, wat vanaf Julie 2021 as spesiale aanslag op belasbare eiendomme in Kleinmond gehef sal word, sal ontvang.

Die proses rakende die implementering sal dan binne die raamwerk van die begroting kan begin.

Die proses om die beste diensverskaffer(s) aan te stel om die kamerastelsel in te installeer, om dit in stand te hou, om die monitering in 'n beheerkamer te doen en om 'n reaksie-span beskikbaar te stel, het reeds begin.

Die installering van kameras, befonds deur KSW het ook reeds begin.

Dit sal tyd neem voordat die stelsel voldoende geïdentifiseerde brandpunte sal kan dek, omdat die kapitaal wat daarvoor nodig sal wees nie dadelik beskikbaar sal wees nie.

2. Registrasie van inwoners op die databasis van KSW

Aangesien alle eiendomseienaars op die databasis van KSAG sal wees en hulle besonderhede op datum gehou sal word, is dit 'n vraag of inwoners steeds op die databasis van KSW geregistreer moet word.

Die KSW-Bestuurskomitee beveel aan dat die KSW-databasis nie verder uitgebrei word nie, maar mettertyd uitgefaseer word.

3. Bydraes tot die fondse van KSW

Aangesien die eienaars van alle belasbare eiendomme in Kleinmond vanaf 1 Julie 2021 aanspreeklik gaan wees vir die betaling van die spesiale aanslag, moet die vraag gevra word of KSW steeds sy lede gaan nader om vrywillige bydraes tot die fondse van KSW te maak.

Die KSW-Bestuurskomitee beveel aan dat lede nie meer vir vrywillige bydraes genader sal word nie, en dat dié wat gereeld bydraes gee, in kennis gestel word dat hulle dit van 31 August 2021 kan staak, sou hulle so verkies.

4. KSW-patrollies

Daar is tans baie kommer en debat oor hoe om Kleinmond meer weerbaar te maak teen die huidige vlag van misdaad (veral huisbraak, sommige daarvan huisroof). Die vraag is of die KSW-patrollies moet voortgaan ná die implementering van KSAG.

Die KSW-Bestuurskomitee is van mening dat pogings nou, in samewerking met die SAPD, OM-wetstoepassing en die sekuriteitsmaatskappye verskerp moet word om die huidige uitdaging aan te spreek.

Dit word aanbeveel dat die patrollies vir ten minste vir 'n oorgangstydperk moet voortgaan en dat die koste vir brandstof uit die bestaande fondse van KSW betaal moet word.

5. Installering van kameras

KSW het reeds 50% van die koste vir die eerste stel LPR-kameras (wat tussen Kleinmond en Bettysbaai geplaas sal word) bygedra. Dit is in die vooruitsig gestel om ook 'n aantal statiese AI- en PTZ-kameras op strategiese plekke in die dorp op te rig sodra die KSAG-Raad besluit het wie die diensverskaffer(s) gaan wees. Hierdie sal baie help om die kamera-monitoringsstelsel vinniger in bedryf te kry.

Die KSW-Bestuurskomitee beveel aan dat nie meer as 50% van sy reserwes hiervoor aangewend word.

Die KSW-Bestuurskomitee beveel aan dat hierdie toerusting aan die KSAG maatskappy sonder winsbejag oorgedra word sodra die implementering in September 2021 begin.

6. KSW-Bestuurskomitee

Dit word aanbeveel dat die bestaande KSW-bestuurskomitee met sy wykskoördineerders en gekoöpteerde lede bly voortbestaan vir solank as wat daar 'n behoefte aan aktiewe patrollies is.

Dit word aanbeveel dat die KSW-bestuurskomitee in sy huidige formaat mettertyd uit-gefasseer word en herorganiseer word om binne die raamwerk van 'n ooreenkoms met die KSAG-Raad te opereer, met die fokus alleen op patrollies, sodat onnodige duplisering voorkom kan word.